

مدبر ابن السرى
احمد جودت

مؤسس: ابن السرى
مصطفى نامق

آسيان

أدبي ، علمي ، سياسي ، اجتماعي ، فني ، اخلاقي هفتنه لق مجموعه در

پنجمه

ایکینجی جلد

نومرو ۱۸

برنجی سنه

۲۱ ذی الحجه ۱۳۲۶

۱ کادون ثانی ۱۳۲۴

مدرجات

آونك ایل	ضیا پاشا
براز فن و سیاست	ایمال زاهره
مینی مینی بنكه	کندیم اینچون
اخلاق سیاسیه	مصاحبه ادبیه
قلوبلر ، جمعیتلر	اسکی دفترلر
خلیل	اولومدن صکره


استانبول



محل اداره می : جفال اوغلنده اداره مخصوصه

باب عالی جاده سنده « مرکز » مطبعه می

۱۳۲۴



حکومت و افرادك حقوق و وظائف، مقایله سی

ادوارك تكامليله بشریت حاضره یی وجوده كثیردن ارمنه قبل التاریخیه ده کی
اوليك وحشی انسانلر آره سنده روابط و مناسباتك نه درجه لرده بولونديغه
دائر برفكر صحیح و قطعی ايدنك قایل دكلدر . فقط شیمدی دنیاده موجود
اولان عشار و حشیه به باقهرق تكامل بشیریتك بوايلك قدما لرینه عائد حقیقت
دوغروجه برطاقم فرضیات ايله میدانه چیقهبیلیر . او كزده مثال اولمسه بيله
محاکمات منطقیه ايله عینی نتایج دسترس اولورز . ايلك انسانلر ، مدهش
جانوارلر آره سنده ، بارزه حیات ایچون آلت مدافعه اوله رق طاش و دكنك کی
شیلردن باشقه برشی بيلمه دكلری زمانلرده بك سفیلانه برعمر کچر مشلر و آجلق
تهلكه لرینه ، آكل اللحم حیوانات جسيمه نك مهاجمانه ، هر وضع قالمشلردر .
آرتق بوشرا ئط دائره سنده یاشایان انسانلرک خود بیندکی وحشت درجه سنده
ایلر یله ته جکلری آشکار ایدی . جمعیت اوزره یاشامق حس طبیعینسك مفقود
دینه جك قدر آز بر درجه ده کورولدیکی بوزمانلرده برینسك اولادینی شکار
ایچون دیگرینك هیچ برحق طانیه جنی طبیعی ایدی . ایشه بر جوق زمانلر ،
اسلافمرك اك بویوك مشغله سی ، حیوانات و همجنس لریله محاربه ایتك اولمشدر .
نهایت برلعه ذکا ، دها دوغروسی برحس تشکیل عائله اولنلری هیئات مجتمه
طرزنده یاشامق فکر لرینه دوغری سئوق ایتشدر که ترقیات بشریه نك مهد
مغنیوسی بوفکر اولمشدر .

بووقدن اعتباراً وضعیت اخلاقیه دكشمکه وحشیات جدیده نمایان اولمغه
باشلامشدر . وینه بووقت ، منافع متضاده خوددینانه ، جمعیتك منافع مشترکه
سیله تحدید اولونه رق اداره اولونمغه باشلامشدر . معافیله تشکل ایدن جمعیتلر ،

قبیله لر، بینه بربرلرینه قارشى عداوات بسلرلر ، محاربه ایدرلردی . فقط یاواش یاواش ، برقیله آره سنده کی افراد — کندی منفعلری اقتضایی — دیگرینک شیکارینی قایمه مغه غیرت ایتشیلردر . شهبه سر بوغیرت وتوقی ، تکرار افراد ابتدائینک مزاحمه دوشمه مک ایچوندی . دائما برطاقم مهالکه معروض اولان شرائط ابتدائی حیانیته ک سربستی غریبی اولری ، آره لرنده مقاولات ضمیمه عقدینه مجبور قیلمشدر . چونکه بونلر اولمه دن اتحاد غیر قابلدی . هر فرد کندی قبیله سنک حمایه سینه مظهر اولمق ایچون دائما اونک حقوقنی محافظه یه آماده بولومه لی ایدی . بویله جمعیت وقبائل تشکل ایدنجه مساعی مجتمعه نی سوق واداره ایتک ، بریره طوبیلامق ایچون طبیعی سلسله مراتب وجوده کلدی . بوحالده ، یا ک قوتلی ، یا ک شجیع ویا ک ذکی اولان معلوم ومعین برتفوده مطاوعت مجبوری اولدی . بوتحکم ، یالکیز محاربه ایشلرینه منحصر قالمادی . قبیله لر ، نفوسجه قیابارد قجه برینک منافعی ، حیاتی ، دیگرینک شدتلرینه ، خودینلک لرینه قارشى محافظه ایتک مقصدیله کوندن کونه ده ا مثبت نظامات وشرائط لزوم حس ایدلدی . جمعیت برکزه تشکل ایدنجه طبیعی داخل وخارجدن کله جک مهالکه قارشى افرادینی محافظه ایتک ایچون برطاقم قوانین ومؤسسات وجوده کتیرلدی .

انسانلر ، دائما کندیلرینی اوزون برمدت آغوشنده صاقلایان محیطانه ربط قلب ایدرلر . بویله جمعیت اوزره یاشامق عادت حکمنه کیرنجه ، بو طرز معیشتک ایلک لری آکلا شلمغه باشلانجه ، بوحس ، اسکی حاله عودت قورقورلی آره سنده تکامل ایتدی . حضور وراحتلرینی تأمین ایدن ، اولره یاشامق ایچون آوقوشلری ، میوه ویرن یرلره بر محبت مخصوصه حس ایتکه باشلادیلر . حس وطنپروری ، اخوت وتعاون ، بلندی وجوده کتیردی . وایشته تکمل ایدن بو خیمه لردن ، بوقبیله لردن ، فکر بشرک تکامل طبیعی ومنطقیسی سایه سنده بوتون صنایعی ، بوتون تصورات وادراکاتیه مدنیت دوغدی .

کورولویورکه ایلک هیئات بشریه نی وجوده کتیره ن ومعقول ومقبول اسبابه مستند اولان سائق ، فکر منفعتدر . ده ا صوکره لری بوندن تولدایدن

حسیات ، فضائل اجتماعی بی وجوده کتیردی . فقط اصل جمعیتلرک قطعاً اشکل وادامه سینه خادم اولان اک بویوک قوت احتیاج حایه اولمشدر . فکر مشارکت ایله فکر مقابله توأم اولدقلری کبی اخلاق سیاسیة نك دستور حرکتی ده خارج وداخلدن کله جک تهلیکله ره قارشى ، افراد شرکتدن هر برى قوه مشترکه ایله مدافعه ایتک ، اونک حایه سنی هر کسه تأمین ایتکدر . وینه بوسلسله محاکمه بی تعقیب ایدهرک احوال ممانله قارشوسنده هر فرد قوتی ، جمعیتک امرینه آماده اوله رق صاقلامه لیدر . ایشته بوتون افکار جمعیتپروانه نك اصلی ، روحی ، نخی بودر .

شدت ووحشتک حکمفرما اولدینی زمانلرده انسانلر اک زیاده خارجدن کله یلمسی احتمالی اولان مهالک حصر دقت ایتشلردر . وایشته اوزمان ، مدنیت عسکریه نك اساسلری قورولمشدر . جمعیت ، خارجی دشمنلرینک مهاجمانه مقاومت ایدم جک درجه ده قوتلی ایسه ، باشقه برشى ایسته مزیدی . بوزمانلر ، قیللر ، جمعیتلر ، باشلرنده مطلق ومتحکم رئیسارله هر نقطه لرینه وارنجیه قدر مساح اوله رق طورییورلر وطبیعی بورئسلر افراد طرفندن کنديسته ویرلش اولان حق وپایه بی سوء استعمال ایتک باشلا یورلردی . مهالک و مشاغل خارجیه نك آز بولتدینی یرلرده قوه فوق العاده ، برطاقم قوای سماویه صورتنده تمثیل اولونوردی . بربرندن فرقلی اولان بوتحکم صورتلرینک ایکسی ده عینی سوء استعمالاته صاپیورلردی . ظاهرده دهها آز قوی ودها آز وحشی کورینن نفوذ معنوی ، هم روحلر ، هم وجودلر اوزرینه دیکرندن زیاده اجرای تأثیر ایدیور ، موجودیتلری محدود دائره لر آلتنه آلمغه چالیشیوردی . فقط تکامل فکری ، انقیاد اخلاقی بی حس اولونه . جق بر درجه یه هنوز اصعاد ایدمه مشدی عینی شرائط دائره سنده متبوع ومقهور اولان برچوق جمعیتلر ، بویوندوروغه ولوله سر ، عصیانمز تحمل ایدیورلردی . اولنر ، دنیاده انسانلرک بر رئیس مطلقه انقیاددن باشقه امللری ، آرزولری اوله پله جکندن شبهه بیله ایتمه یورلردی . فکر تجسس اویانمغه ، رئیسارک بوتحکم ونفوذی ، بوغنائی فاصل ونه واسطه ایله استحصال

ايتدكلى تدقيق ايدىلكه باشلايخه ايشلر دكيشدى . بربرلرينك حقوقنى محافظه و آسايشى تأمين ، مقصد خيريلىه تشكىل ايتىش اولان جمعيتلر بوظيفه خيريلىه نده موفق اوله مدقلى و رؤسانك مقاصد خود بينانه تعقيبيله جمعيتك تمتعاتى كنديلربنه جلبه توسل ايتدكلى كورولدى . صوكره آكلاشيدى كه احتياج حمايه دن مقصد ، بر آدمك ويا بر زمرة قليله نك ، ديكرلرينك حياتى ، اموالى ، سربستىسى اوزربنه وضع يدايمه سى ديمك دكلدر . بر كره بوصورتله ، فكر تحليل و تجسس باشلايخه ، استبدادك بوتون روحى ميدانه چيقويوردى . تشكىل اجتماعيدن مقصد ، اصل حمايه متقابلله اولوب هر فردك تماميله شخص و هويتنى فدا ايمه سى لازم اولمدينى آكلاشيدى . و هر كون دها زياده ترقى ايديله رك حال اجتماعينك ، شخصيتلر ك توسع و ترقيسييله ممتنع الامتراج اولم يوب بلىكه اك مساعدا بر زمين اولدينى نتيجه سته دسترس اولندى . انسانى بوتون نهلىكلره ، بوتون درجات عجزه دوشوره رك محكوم وضعيف ياپان سبب ، افراد دائمى قورقوسيدر .

مابعدى وار

سرور جمال



قلوبلر ، جمعيتلر

« آشيان » اداره خانه سته

— اشتبده يازيلور —

اشتبيده ايلك وادى بر مؤسسه عظيمه علميه اوله رق تأسيسى ايجون خيلى زماندر استحضارات و تداركاتده بولنيلان شوق مساعى قلوبنك رسم كشادى تشرين ثاينيك اون دردنجى جمعه كوني تبركا صلاه جمعه دن صوكره قلوبك اتحاد قراخانه سنده و يريلن مؤثر ، ملي برقونفرانسى متعاقب يك مشعشع و مطمئن بر صورتده اجرا ايدلدى . قلوب مملكته زده يكي تأسيس اولنان قلوبلر ك اك رنگين واك منتظم واك مفيديدر ديه بيليرز . چونكه احتياجات حاضره محليه نظر دفته آلله رق عادى بر كويلينك بيله استفاده سى دوشونلش و اتحاد و ترقى ايجون هر درلو فداكارلى اختيار ايدلشدر .